



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

Articulus I. quid sit juramentum calumniæ?

---

[urn:nbn:de:hbz:466:1-73001](#)

## QVÆSTIO VII.

## IN TIT. VII. DE JURAMENTO CALUMNIÆ.

**687.** **C**um non raro contingat, quod vel Actor dolo malo, vel actionem in justam Reo intentet; vel etiam Reus actioni justè intentata malitiosa resistat, & sciens iniquitatem suæ causæ nihilominus falsis protelationibus litem prolonget, ut retentâ possessione fructus interim, quamdiu potest, ex re possessa percipiat (quod fieri, & factum esse, nimis certum est) ad evitandas ejusmodi iniquitates introductum est juramentum calumniæ, quod, quamvis in quavis parte judicii, vel etiam ante litem contestatam exigi possit, regulariter tamen post litis contestationem exigitur, ac propterea titulus de juramento calumniæ, titulo de lisis contestatione subjicitur.

## ARTICULUS I.

*Quid sit juramentum calumniæ?*

**688.** **A**nte resolutionem suppon. quatuor juramenti species in judicio intervenire posse; primum vocatir *litis decisorum*, quo (ut habetur apud Zoësiūm *Institut. de actionib. §. item, si quis*) nihil aliud intelligitur, quam *judiciale*, per quod lis deciditur, v. g. quando creditor (ut exponit Molina, *tom. 2. D. 561. Q. 2.*) ob probationis sufficientis defectum exegerat in judicio, ut debitor juraret, num id deberet, & debitor negaret sub juramento tale debitum; tunc id juramentum decisorum ideo dicatur, quod eo lis dirimatur. Per illud enim Reus liber à solutione debiti maneret, non secus, ac si debitum solvisset. Secundum juramentum *veritatis*, quod etiam Testibus deferri solet, & à Pereyra in Elucidario *numer. 1373.* appellatur, quod Judex cognitâ causâ defert Actori ad supplendam probationem ejus; tertium de *malitia*, cuius mentio fit in c.

*penult. h. t. in 6. de quo dicemus num. 691. quartum juramentum calumniæ, quod fit, cum quis jurat se bonâ fide, & non animo calumniandi agere, egisse, vel acturum.*

Unde, juxta Sanchez *l. 3. Decal. c. 3. 689. num. 7.* de calumnia jurant, qui jurant, se bonâ fide & non animo calumniandi causam moveat, vel aliquid proponere, vel respondere, nec in posterum se facturos. Quarè hoc juramentum, ut tenet Spiegel: *V. eod. hæc continet. 1. quod non calumniandi animo litem moveat; 2. quod bonam causam se habere putet; 3. quod in tota lite nullam exigit probationem, nisi quam pro veritate putet esse necessariam; 4. quod nullam allegationem, causâ differendi negotii proponet; 5. quod nihil causâ patrocinii judicibus, vel alicui personæ pro hac causa promiserit, vel postea datus sit vel per se, vel per alium.* Hinc, in praesenti, *Calumniator* propriè est, qui per fraudem, & frustrationem alias accusando vexat; & sumitur etiam pro eo, qui non debitum petit, *L. penult. ff.* non quis eum; quarè *calumnia* hoc loco aliud non est, quam malitiosa judicij susceptio, quam committere censetur, qui dolo malo vel actionem injustam intentat, vel justè intentata resistit; ad quod præcavendum introductum est juramentum calumniæ; quod breviter describi potest dicendo, *esse juramentum, à litigantibus super causâ, bonâ fide suscepta, & deinceps prosequenda, præstandum.*

Est autem inter juramentum calumniæ, & reliqua juramenta, de quibus *num. 688.* multiplex discriben; à juramento de veritate dicenda differt, quia in hoc non conceditur dilatio; secus in juramento calumniæ; 2. illud est de veritate dicenda prout est in animo; istud

istud solum de credulitate, quatenus quis jurat, se bonam causam habere; hoc patet ex ipsa cujusque definitione; illud autem colligitur ex eo, quia veritatis notitia statim in principio potest esse necessaria ad ulterius investigandum; credulitas autem solum, ne dolo, malâ fide, & falsis pretelationibus litis, vexetur Adversarius; & iniqua possessio progogetur; hinc juramentum dicendæ veritatis est de scientia: calumniae vero, de credulitate.

691. Differt etiam à juramento malitia prout colligitur ex c. 2. h. t. in 6. & iuribus jam relatis. Nam istud præstatur tam ante, quam post litem contestatam; juramentum calumniae regulariter post; 2. illud exigi potest, quoties suspicio est in judicio aliquid ex malitia fieri, v. g. proponi, vel peti, exceptiones opponi, dilatationes queri &c. (nam in hoc situm est juramentum malitiae, quo quis jurat, se nihil malitiosè proponere, nihil petere &c.) istud autem præstatur tantum semel prototo processu: 3. quia illud exigeatur olim tam in causis spiritualibus, quam profanis; istud autem solum in profanis; quamvis hodie etiam in spiritualibus, ut dicemus in seqq. 4. illud saepe non extendit se ad totum processum, (ut cum solum est suspicio, quod malitiosè querantur dilatationes) secus, istud. Qualiter autem differat juramentum calumniae, à juramento litis decisorio, facile deprehenditur, ex amborum definitione.

692. Objectum porrò juramenti calumniae, Canonistæ complectuntur his versibus: illud juretur, quod lis sibi justa videtur; et si queretur, verum non inficietur: Nil promittetur: nec falsa probatio detur, ut lis tardetur, dilatio nulla petetur. Quæ porrò his versibus comprehensa sunt, ex diversis iuribus colliguntur: nam L. 2. C. de jurejurando propter calumniam præstando sic statuitur: *Sancimus, in omnibus litibus, qua fuerint post præsentem legem inchoata, non aliter neque Actorem, neque fugientem in primordio litis exercere certamina, nisi post narrationem, & responsonem, antequam utriusque partis advocati sacramentum legitimum præsent, ipsæ principales persona subeant iurandum.*

Deinde descendens ad Actorem, & Reum: *& Actor quidem, inquit, juret, non calumniandi animolitem se movisse, sed existimando bonam causam habere: Reus autem, non aliter suis allegationibus utatur, nisi prius, & ipse jureraverit, quod putans, se bona instantia uti, ad reluctandum pervenerit.*

Sub eodem tit. Cod. continentur quoque duæ Authenticæ, quarum prima est ex Novell. 49. c. 3. & sic loquitur: *in isto juramento adjiciendum est, nullam in tota lîte exacturum probationem, nisi quam pro veritate pusat quis necessario esse exhibendam, ne sepias juretur in causa: altera, ex Novell. 124. c. 1. quæ sic habet: Principales personæ, vel ille, ad quas negotium in medio migraveris, coram Judicibus jurent, quod nihil penitus, causâ patrocinii, Judicibus, vel alit enicunque persona, pro hac causa dederint, vel promiserint, vel postea dabunt, vel per se, vel per aliam medium personam, exceptis his, quæ propriis advocatis, pro patrocinio, præstant, aliisque personis, quibus nostræ leges dare disponunt. Et ex his patet circa quid jure debeat Actor & Reus, ubi deponere debent juramentum calumniae.*

Exempla porrò, quibus comprobatur, præstandum esse juramentum de malitia, plura sunt in jure nostro. Primo enim cum aliqui contradicerent electioni in Episcopum, jam confirmatae à Metropolitanano, ut habetur c. cum dilectus. 32. de elect. rescriptum Pontiffex: nos attendentes, quod res perniciosa esset exemplo, si per surtepcionis astutiam quis ascenderet ad Apicem dignitatis: ita duximus providendum, ne præstito à contradictoribus juramento, quod ipse malitiosè contra præfatum electum non moveant questionem hujusmodi, prædicti tres electores jutamenti vinculo adstringantur dicere veritatem, quod ex Canonice examinationis tempore in præfatum Archidiaconum convenirent.

Secundò in c. Literas 13. Q. propterea, de restitut. spoliat. ubi dicitur, quod,

quod, si contra petentem restitutionem conjugis, opponatur consanguinitas in gradu prohibito, & offeruntur probations paratae: *recepto ab opponente juramento de malitia*, negabitur restitutio quoad thorum, & fieri quoad reliqua: si vero probationes promptae non sint, fieri plena restitutio, ac si sit magna viri laxitia.

696. Tertiò in c. *Præsentium*. 3 r. *de Testibus*, ibi: præsentium autoritate statuimus, ut si quis, post depositiones testium publicatas, objicere voluerit in personas eorum, ei tunc tandem id liceat, cum *juramento firmaverit*, quod ad hoc *ex malitia* non procedat: nisi forsan ante publicationem id fuerit protestatus, &c.

Quartò in c. *In appellacionis*. 2. q. in *omnibus*, h. t. in 6. ibi: *in omnibus autem causis, nedum ante, sed etiam post quam lis fuerit contestata, sive de veritate, sive de calumnia sit juratum in ipsis: potest judex à partibus exigere juramentum malitia, quoties viderit expedire*.

Quintò in c. *Pastoralis*. 4. *de Except.* ibi: quoniam per dilatorias exceptiones *malitiosè* nonnunquam causarum terminatio protogatur, inquisitioni tuae respondendo decernimus, ut intra tempus à judece assignandum, omnes dilatoriae proponantur, ita, quod si partes ex tunc voluerint aliquas opponere, quas non fuerint protestatae, nullatenus audiantur, nisi forte aliqua de novo sibi competens exorta fuerit: vel is, qui voluerit eam opponere, fidem faciat *juramento*, se postmodum ad illius notitiam pervenisse.

### §. I.

*An juramentum calumniae sit de substantia judicii?*

697. **Q**uid in hac quæstione decretum sit jure civili, colligi potest ex L. 2. C. *de jure jurand.* propter calumniam, relata supr. numer. 692. ubi not. proposita quæstionem posse procedere de

casu, quo juramentum calumniae fuerit exactum ab alterutra parte? vel ubi non? Nam super hac distinctione extat speciale c. 1. h. t. in 6. in quo tria continentur. 1. quod, si juramentum *calumniae*, vel *veritatis dicende* in principio non præstetur, ut debet, in qualibet parte judicii jurari possit; cum hujusmodi juramenta præstari ab initio de substantia ordinis judicarii non existat; ubi Authores communiter notant, ex hoc solum sequi, non esse de *substantia judicii* (intellige ordinarii) quod hoc juramentum præstet ab *exordio judicii*; sic Maranta de *Ordin. judicari. p. 6. ad 2. judicii partem, de juram. numer. 2.* Vivianus in *Rationali l. 2. pag. 64.* & alii.

Alterum est, quod propter tacitè omissum <sup>698.</sup> *in tota causa* calumniae juramentum, judicialis processus, alias factus legitimè, non est nullus, nec etiam annullandus, ut dicitur ibid. §. *propter*; ubi nota ly *tacitè omissum*; quod accipe, quando ab alterutra parte petitum non est; non autem ut idem sit, ac *remissum* positivè, pactione aliquâ; idque propter dicenda à numer. 700. sed tantum negativè, *non exigendo*; ex hoc autem deducitur juramentum calumniae non esse de substantia judicii, esto in tota causa, seu processu prætermisum sit, *si neutra litigantium pars id præstari petit*; & hoc modo Authores communiter intelligunt L. 2. C. de *jurejurand.* propter calumniam, §. *Sed quia vere-* mur. 4. de qua dicemus infra numer. 699.

Tertium est, in §. *quamvis*; quod, licet olim in causis spiritualibus in foro Ecclesiastico non exigeretur juramentum calumniae, per c. *Literas 2. h. t.* ubi declarat Pontifex, quod licet Roma Ecclesia, in his casibus, in quibus de Ecclesiasticis, Decimis, & rebus spiritualibus tantum agitur, juramentum calumniae nec dare, nec recipere consuevit, eo, quod *ha cause non ex legum distinctione, sed ex Canonum aequitate*, qui in his tale juramentum non requirunt, terminetur: secus tamen dicendum sit jure novo, in c. 1. h. t. in 6. ubi Boni-

Bonifacius VIII. sic loquitur : quamvis in causis spiritualibus (*in quibus debet de veritate dicenda jurari*) Canones non indicant alicui calumniæ juramentum : nos tamen (*quia frequenter calumniari videmus in ipsis utile reputamus*, quod simul (*sicut plerique observant*) tam de veritate dicenda, quam de calumnia (*ut via praeccludatur calumnii*) jurari debet in eisdem ; quibus prænotatis.

699. Resp. juramentum calumniae , quando alterutra pars litigantium id exigit, ut præstetur à parte , esse de substantia judicii sic, ut totus processus vitietur , si judec id præstari non jubeat, parte litigante id exigente ; ita communiter Doctores cum Bartolo in L. 2. C. de jurejurand. propter calumniam , &c. Sed quia veremur , ibi : Sed quia veremur , ne forsan quidam , collusione aliqua utentes , remittere videantur inter se hujusmodi Sacramentum , & ex predicta dissimulatione nostram sanctionem deludant : sancimus , omnes judices , (licet ex compromissio cognoscant,) vigorem suum exercentes , minimè pati , tale Sacramentum remitti , sed omnimodo hoc & ab Actore , & à fugiente exigi : ne paulatim videatur hujusmodi res defraudari , & Sacramentum vel principalium personarum , vel Advocatorum ex qua cùm parte mutilari. ita etiam Francus in dict. c. 1. b. t. in 6. num. 4. Gail. l. 18. observ. 80. Layman. in cit. c. 1. num. 4. &c alii.

## §. II.

An juramentum calumniae possit remitti ?

700. Q Væstio procedit. 1. an possit remitti à partibus ? 2. à Judice ? 3. an statuto ? 4. an à Supremo Principe ? 5. an consuetudine ? Ad. 1. Resp. de remissione negativa , quæ sit non exigendo , jam diximus affirmativè num. 697. difficultas est de remissione , quam facit pars pa-

tione expressa ? Negativa communis est, quam tenet Layman cit. num. 3. Hattnold. tom. 5. tract. 3. num. 457. Barbos. in cit. c. 1. num. 4. & alii. Ratio hujus est , quia his , quæ introducta sunt in favorem publicum , pactis privatorum derogari non potest ; at juramentum calumniae introductum est in favorem publicum , ut expreßè dicitur in cit. §. sed quia veremur , relato num. preced. ne scilicet veritas occultetur , & partibus concedatur facultas calumniandi , aut tam graves , & bono publico necessarias leges eludendi , ut loquitur Imperator , in §. sed quia veremur , supr. numer. 699.

Ad. 2. Resp. à Judicib; non supremis , non posse remitti juramentum calumniae ; tum quia inferior jure ordinario nihil potest in lege Superioris ; tum quia id expreßè illis prohibetur in dicto §. sed quia , ibi : sancimus omnes Judices , vigorem suum exercentes , minimè pati , tale Sacramentum remitti , sed omnimodo hoc & ab Actore , & à fugiente exigi , maximè cùm hoc medium non pro commendo privatorum , sed pro communi utilitate introductum sit ; cui vi muneric sui specialiter consulere tenentur Judices ; dixi à Judicib; non supremis ; nam , cùm sit introductum jure positivo , cui supremus Princeps derogare potest (sætem exigente id utilitate publica , quam etiam Princeps tueri debet ; hoc enim directè respicit jus jurisdictionis ) per rescriptum Supremi Principis decerni potest , ut non præstetur juramentum calumniae ; sic Abbas in c. cæterum b. t. n. ult. ex quo habetur etiam responsio ad 4. quod tamen aliqui restringunt solum ad casum , quo expreßis verbis derogat ; sic Barbos. in c. 1. §. propter b. t. n. 5.

De statuto id expreßè negat Barbosa 702. cit. cum Viviano , & aliis ibidem relatis ; quod etiam tenet Menochius lib. 1. de Arbitrar. quest. 20. num. 4. & sic omnino dicendum videtur , propter gravissima mala , quæ hujus juramenti prætermissio inducit , ut experientia certum est , innumeris fraudibus , falsis probatioibus , dilationibus , & similibus inven-

A a

tis

tis laxatâ viâ ; præsertim , cùm hoc jura-  
mentum favore publico introductum sit ,  
L. 2. §. Sed quia , C. b. t. ob tres potissi-  
mum causas : primæ , ut sic eliciatur ve-  
ritas , ex literis , de jure jur : secundò ut ,  
metu jurisjurandi , litigantium compen-  
scatur audacia , L. 1. C. b. t. tertio , ut  
omnis calumnia arceatur , L. 2. authent.  
principalis , C. de jure jur. propter ca-  
lum. ex quo patet ad 3. De consuetudine  
verò pariter introduci non potest , ut *indefi-*  
*nitè* partes de calumnia jurare non te-  
neantur , vel expressè remittere possint ,  
aut recusare etiam Judice exigente , per  
c. Cœterū , 5. b. t. ubi dicitur , quod , si  
Clerici coram Judice suo Ecclesiastico li-  
tigent , compelli debeant , ad juramen-  
tum propter calumniam utrinquè præ-  
standum , consuetudine , quæ legi contraria  
est , non obstante ; & ita tenet Perez  
gloss. 5. dub. 6. vers. iſtud tantum jura-  
mentum pag. 541. tit. 4. lib. 3. Ordin. &  
alii apud Barbos dict. c. 5. n. 5.

703.

Dixi , *indefinitè*. Nam Layman. in  
cit. c. 5. textum illius canonis , sic intel-  
ligit , consuetudinem ( *ut partes de calu-*  
*mnia non jurent* ) non posse prævalere  
Adversus legem , si occasione talis consue-  
tudinis appareat veritatem occultari , & vi-  
am calumniis patere ; esset enim irratio-  
nabilis consuetudo , & bonis moribus re-  
pugnans : sin autem ob hominum aliqui-  
jus Regionis probitatem , & fidelitatem ,  
simplex non calumniandi promissio , aut  
juramentum de veritate sufficere videa-  
tur , præsertim in causis non arduis ,  
tum consuetudine præsertim imme-  
memoriali , ( L. de juram. calumn. ) abro-  
gari posse ; c. ult. de consuetud. quam-  
vis fortassis textus etiam intelligi possit ,  
non posse per consuetudinem introduci ,  
ut judice vel ad instantiam partis , vel ex  
officio , juramentum calumniae exigente ,  
ob causam , quæ ipsi justa visa est , recusa-  
ri queat ; posse tamen per consuetudi-  
nem introduci , ut si pars non exigat ,  
judex ordinariè hoc juramentum non  
deferat ; sic Layman : sed reverà rebus ,  
& periculis , quibus cavendis hoc jura-  
mentum introductum est , bene conser-  
deratis , non videtur ullatenus communi  
bono expedire ; imò , ubi lex ista non

servatur , ut in quibusdam Provinciis  
contingit , non tantum ex parte litiganti-  
um , sed ipsorum etiam Procuratorum ,  
vel Advocatorum , multas iniquitates in-  
tervenire , protelatis litibus non tantum  
injustis , sed etiam possessione , quam pos-  
sidentes planè iniquam nōrunt , magno  
animæ detrimento ; ex quo patet respon-  
sio ad 5.

Confirmari hoc potest ex c. *Constitu-*

704.

*tus. 3. de Fidejussorib.* ubi Fidejussor , qui  
pro alio fidejussit , propter debitoris mo-  
ram in solvendo , debito semper augesen-  
te , plurimum molestatus à Creditore ,  
compulso ad solutionem Debitorum , etiam  
per Censuras Ecclesiasticas dicitur libe-  
randus , & Debitori imponendum jura-  
mentum calumniae , si debitum , vel ac-  
cessiones negaverit , *consuetudine* , quæ  
est legi contraria , non obstante . Unde  
meritò Vallensis b. t. cenlet q. 1. num. 1.  
id adeò necessarium esse , ut , si ab altera-  
tra parte exactum , & omisso fuerit ,  
omissio vitiet processum , & sententiam  
reddat nullam , L. 2. q. sed quia , C.  
eod. Bart. in L. cùm Judices , §. sed quia  
veremur , num. 3. C. cit. tit. Alex. in  
lib. Qui bona , q. si alieno , n. 14. ff. de  
damno infecto . Idquè de jure obtinet ,  
licet à fisco exigatur : quia cùm hoc jura-  
mentum calumniae nusquam à lege fi-  
sco nominatum remissum repetiatur , illud  
etiam præstare debet , quandòquidem fi-  
scus non nisi in casibus à jure expressis  
privilegiatus sit , & , in non expressis , juris  
communis dispositioni subjaceat , L. fin. C.  
de usuris fiscalib. l. 10. Dico , de jure ; quia  
de consuetudine , id non servari in fisco ,  
testari Doctores refert Gail. 1. observ. 90.  
quia talibus juramentis non debet gravari  
fiscus ; tum propter majestatem mandan-  
tis ; tum quia calumniari non præsumi-  
tur , quem necessitas officii excusat , &  
personæ qualitas præsumptionem calu-  
mniæ excludit : Sed quām sæpe  
fallit !



ARTI-